



National Certificate of Educational Achievement
TAUMATA MĀTAURANGA Ā-MOTU KUA TAEA

Tauaromahi mō te Aromatawai ā-Roto

Hangarau Kaupae 2

Ka tautoko tēnei tauaromahi i te:

Paerewa Paetae 91774

Te whakaputa i tētahi hua hangarau hanganga hei whakaea i tētahi take hangarau motuhake

Ko te tauaromahi he tauira mahi ā te ākongā e whakamārama ana i te matū o te paerewa paetae. He mea āwhina i te kaiako ki te kōwhiri whakataunga aromatawai ki te taumata e tika ana.

New Zealand Qualifications Authority

Mana Tohu Mātauranga o Aotearoa

To support internal assessment

Hei tautoko i ngā aromatawai ā-roto

	<p>Whiwhinga: Kairangi</p>
	<p>Kia eke te ākongā ki te Kairangi me whakaputa i tētahi hua hangarau hanganga hei whakaea i tētahi take hangarau motuhake;</p> <ul style="list-style-type: none"> • me hāngai pū te hua hangarau hanganga ki te tauāki, arā: <ul style="list-style-type: none"> - ka arotake i ngā āhuatanga me whakarerekē, me whakatikatika, me whakahōu rānei. - me kite i te kounga o te hua hangarau hanganga ka puta. • me whakaatu he wairua auaha i roto i te whakaputanga o te hua hangarau hanganga. <p>Ko te kupenga he mea whatu, he mea raranga ki te harakeke. I te hiahia te ākongā ki te kite mehemea ka puritia te kupenga i ngā koura (4). Nā, ko te whakahoahoa o tēnei Tāruke he mea whai i te āhua o te hīnaki, engari, ko ngā rawa katoa i whakamahia, nō tōna ake taiao. I whakamahi i te rākau paina hei tūāpapa mō te Tāruke.</p> <p>I whakamātauria tēnei Tāruke ki te moana, ā, kāore i totohu i te wai. Ka whakamātau i ngā rākau manuka i te mea he taumaha ake, i te rākau paina (1), (2), (3) kia pai noa tana totohu ki raro i te karetao o te wai. Ahakoa kāore he tauira o te tauāki, nā ngā kōrero o te kaiaromatawai i tautoko mai i ngā tukanga i whāia e te ākongā.</p> <p>Kei te kitea te wairua auaha i roto i ngā rauemi i whakamahia hei whakaputa i te Tāruke. Ko ngā whakaaro katoa, ko te whakawhiti i ngā rawa hangarau motuhake, arā, ko te mētara, ko ngā hangarau taketake, (harakeke me te rākau) kei roto i ēnei mahi katoa te wairua auaha.</p> <p>Kia pūmau ai te Kairangi anei ētahi whakaarotanga: Ko te whakawhānui i ngā kōrero āmiki mō ngā rauemi i whakamahi kia kite i ngā whakaaro hōhonu i te wā e whakamātau rawa ana.</p> <p>Ngā pānga o te huarere ki ngā rawa i whakamahia, arā, i taumaha rawa nā te ua, i ngohengohe rawa nā te whiti o te rā?</p> <p>Ko te whakamātau i te hua hangarau hanganga – ko te whakawhānui i ngā kōrero arotake me te parahau i ngā whakaaro i whakatau ai mō ia tukanga i whāia.</p>

Ākonga 1: Kairangi
Intended for teacher use only

1



2



3



4



	Whiwhinga: Kaiaka
	<p>Kia eke te ākongā ki te Kaiaka me whakaputa i tētahi hangarau hanganga hei whakaea i tētahi take hangarau motuhake.</p> <ul style="list-style-type: none">• Kia whaitake te hua hangarau hanganga, arā ka kitea ētahi wāhanga o te kōunga o te hua hangarau hanganga ka puta. <p>He Hao, he Tāruke, he mea raranga ki te harakeke. Kua whaitake tēnei Tāruke ki te hopu kōura, kaimoana, i te aha atu rānei. (1) Nā, kei te kitea ētahi wāhanga o te Tāruke hei puta mā te kōura. (2) Kua āta whakaarohia ngā rawa hei whatu i te Tāruke. Kua whakamahia ngā rākau ngohengohe nā te mea he ngāwari noa ki te whakapiko. Kua whakamahia ngā rākau mārō mō ngā wāhanga torokaha hoki. Kikī ana ngā taura e here nei i ngā harakeke ki te rākau, ā, kua whai wāhi noho mō te mounu ki raro, ki te papa o te Tāruke. (3) Ahakoa kāore he taura o te tauāki, nā ngā kōrero o te kaiaromatawai i tautoko mai i ngā tukanga i whāia e te ākongā.</p> <p>Kia eke ki te Kairangi anei ētahi whakaarotanga: Ko te whakaatu i ngā panonitanga me te wairua auaha e kōunga ai te Tāruke.</p> <ul style="list-style-type: none">• Kia whānui ake ngā kōrero arotake mō ngā mahinga i whakarerekēhia, i whakahōuhia ki te tauāki.• Ko te whakawhānui i ngā kōrero rāwekeweke i ngā rawa me ngā rauemi kia hono mai ngā hangarau taketake ki ngā hangarau motuhake o ēnei rā. Mā te raweke i ngā momo rawa ka kitea te wairua auaha a te ākongā ki te whakaputa he hua hangarau hanganga.

Ākonga 2: Kaiaka
Intended for teacher use only

1



2



3



	Whiwhinga: Paetae
	<p>Kia eke te ākongā ki te Paetae me whakaputa i tētahi hua hangarau hanganga hei whakaea i tētahi take hangarau motuhake.</p> <ul style="list-style-type: none">• Mā te whakaea i tētahi take hangarau motuhake i runga i tā te tauāki i tohu ai. <p>Ko tā te ākongā he hanga he Tāruke nā te mea ko te moana te taiao e karapoti ana i te kura, he mea raranga ki te harakeke, i runga i te hiahia mehemea ka puritia ngā kai nō te moana. (1) Nā, ko te whakahoahoa o tēnei hua hangarau hanganga he mea whai i te āhua o te kupenga. Kei te kite i te whanaketanga o tētahi Tāruke e ea ai te hua hangarau hanganga me te tauāki. (2)</p> <p>I oti pai i te ākongā i tana Tāruke, ahakoa kāore ngā pikitia i kohia i whakaatu i ngā whanaketanga o te hanganga. Nā, ahakoa i pai tana Tāruke, kāore i te pērā rawa te pai, te kiki rānei o ngā here ki te rākau, ā, he tāwewē ngā mahi raranga. Ahakoa ēnei āhuatanga, i eke tonu i te paetae ngā mahi i te mea ka taea tonu te hao ake i ngā kai kei te moana, ā, i whakaea te tauāki. Ahakoa kāore he tauira o te tauāki, nā ngā kōrero o te kaiaromatawai i tautoko mai i ngā tukanga i whāia e te ākongā.</p> <p>Kia eke ki te Kaiaka anei ētahi whakaarotanga:</p> <ul style="list-style-type: none">• Me hāngai te tauāki ki ngā tukanga ka whai ki te hanga i te hua hangarau hanganga.• Ko tētahi atu he tuhi i ngā pitopito kōrero whānui tonu mō te hua hangarau. Pēnei i ngā ariā o tōna āhua, te pēhea o tana mahi, me te take e mahia mai ai.• Ko te whai whakaaro ki te wāhi ka noho ai te mounu, te kiki o ngā here o te harakeke ki te rākau. Ko te whaitake o ngā hangarau motuhake ki ngā hangarau taketake me ētahi atu āhuatanga.

1



2

